

Нег ормд гурв дакдж болсн түүмрин туудж

— Түүмрәс сарг бәәцхәтн, галин аамшгтә газр бәәхлә, цаг тудәл уга дарунь уурулцхатн, — гидж урдн Каспийск район пекарня заведующ болдж кәдлжәсн М. М. Зайкин кесг дакдж түүмрин харулин кәдләчнр келсн.

— Беш дотр болгъджах өдмг шатхас биш, тоосх-чолугъар кесн пекарня юнь шатхмб? — гидж үр Зайкин хәрүцдг билә.

Болв энүнд түүмрин аамшг үзүлгдв.

1958 джилин февраль сарин 16-д эн пекарня ора цумлад, бешин труба гаргъхларн терүг эргүлдж чолу эс тәвсн учрар, модн галд цонад шатв. Түүмрин харул болн олн-әмтн сарг бәәсн учрар, цаг тудәл уга эн түүмр унтрагдв.

— Хуучн пекарньдан цаг зуур кәдлжәгъәд, шин пекарня бешән ясдж авцхатн — гидж, эн аюлин дару, түүмрин харулч ирдж, кесг дакдж келв.

Түүмрин харулчин келсиг кедж күцәх бола бәәтл, мартин 30-д пекарня эн бәәрнд хойрдад түүмр орад, райпо материалн гару үзүлв. Энүнд района күцәгч комитет орлцад, пекарнь түүмрәс харлгннд ямаран белдвртә бәәхинь шүүдж хәләх комисс гаргъв.

Пекарньд галин аамшг бәәхиг медәд, апрелин 10-с авн

ән аамшгиг уурулдж, бешән ясдж автл кәдлмшинь зогсах болдж комисс шиндв.

Района күцәгч комитет, эн комиссин темдглсн тоотиг чик гидж батлв. Района күцәгч комитетин шиидврәс иштәгъәр район ахлач үр С. М. Менкеев, түүмрәс харлгъна кәдлмшиг ик татугъар бүрдәсн үр Зайкиниг кәдлмшәсн сулхад, апрелин 10-с авн, пекарня бешинь ясдж автл, хуучн пекарньдан кәдлмшән кех болдж үгән өгсн. Эн шиидврәр хәләдж юн учрар нег бәәрнд хойр дакдж түүмр шатсинь цәәлгъдж медәд, бурута улсинь засгла харгбулх болдж района прокуратур бас үгән өглә. Пекарнь галин аамшгәс харлгъна кәдлмшиг ик сулар кесн учрар, энүг хаахмн гидж түүмрин госнадзорин орган токтавр гаргъв. Апрельн 10-д үр Зайкиниг эн пекарняс гаргъад, үр Менкеевин закврар шин заведующ орулгдв.

Ик удан болсн уга. Апрельн 28-д эн бәәрнд гурвдад түүмр орад, пекарня орань өрәлн болн энүнә терз үүдъ бас шатв.

Района сберкассин цергләч С. С. Курочкин, райпо цергләч Г. Н. Востров, милицин цергләч В. Бабышев, райкомхозин болн райпо ус зөбдг машиндт кәдлдж шо-

фер Кизин В., Игизбаев болн нань чигн улс сәәнәр усар теккдж кәдлсн учрар, эн түүмриг унтрадж авцхав.

Райпо ахлач үр Менкеев болн урдн пекарня заведующ болдж кәдлжәсн үр Зайкин, түүмрин эн тоот аюлд ик бурута. Ягъад гихлә, бешән яссн цагтан түүмрин харулас кү дуудлго бәәсн учр болджана. Ямаран болв чигн объектиг хамхлад, оньгдарулхар седхлә, түүмрин харулин специалистнр дуудх зөвтә.

Тегәд района күцәгч комитетин шиидвриг болн түүмрин госнадзорин токтавриг райпо гардачнр эс күцәсн учрар нег бәәрнд гурв дакдж түүмр шатв.

Эн болсн хойр түүмр юн учрар болсинь шүүдж хәләгъәд, бурута улсинь меддж авад, заргъла харгбулхмн гисн района күцәгч комитетин шиидвриг, района прокуратур кергтн эс авсна учрар, эн гурвдгч аюл болв гидж темдглх кергтә.

Района күцәгч комитет чигн энүнд бурута, ягъад гихлә, района түүмрин харул кесг дакдж ирдж эн шиидвр эс күцәджәхин тускар келсн бийнә төртән авсн уга.

Л. ТКАЧЕНКО,
таньгъчин УВД-н ИПО-н
начальник.